

تورکيا

بیوک ملت مجلسی



یتشیدنچی اجتماع

مندرجات

باش قوماندان پاشا حضر تالینہ یازیلان تشکر نامہ ،
اوراق وارده
استرداد اولتان محللرده کی اموال واملاک متروکه مک صورت اداره سی حقنہ کی لایحه قانونیہ نک مذاکرہ سی ،
یوسف عزت پاشانک جبهہ حقنہ کی ایضاحاتی .

برنجی جلسہ

رئیس : برنجی رئیس وکیل حسن فہمی بک افندی

کاتب : راغب بک (کوتاہیہ)

۱۷ - ایلول - ۳۳۷ - جمعہ ایرتسی

تلاغات صورتی

احتیاج حالتہ ایلرودہ تکرار خدمت ومجاہدہ
وطنپرورانه لرندن مستفید اولمق اوزرہ شمدیلک ذات
عالملرینک بیوک ملت مجلسندہ کی وظیفہ سنہ عودتی حقنہ
باش قوماندانلغسک امرلری اورچنجی مرتب قول اوردو
قوماندانلغسک ۱۴ - ۹ - ۳۷ تاریخی وبلا نومرولی تل
ایله تبایع ایدلدی . سقاریہ مخارباتی آشناسندہ اردویہ
داخل اولارق احتیصال ظفر اوغرندہ خدمات وطنپر -
ورانه لرندن ولای غرب جبهہ سی قوماندانانی عرض تشکر
ایمکده در . سواری فرقہ سی ایچون پک شرفلی برخاطرہ
تشکیل ایدن رفاقت عالیریلہ پک متحسین اولان بتون

رئیس — مجلس کشاد ایدلدی . ضبط سابق
خلاصہ سی او قونہ جق . (ضبط سابق خلاصہ سی او قوندی)
ضبط سابق حقنہ مطالعہ وارمی افتدم ؟ ضبط سابق
عیناً قبول ایدلدی .

آرقداش لر مزدن یوزغاد مبعوثی سلیمان سری بک
جبهہ وظیفہ سی فعلاً ایضا ایتمت اوزرہ اردویہ التحاق
ایتمشدی . بوکونہ قدر وظیفہ سی ایضا ایتدی . فرقہ نک
بعض لوازمی تأمین ایچون مآذوناً بورایہ کلدی . فرقہ دن
آلانی برتلاغات نامہ یی ریاست واسطہ سبلہ مجلس عالیکزه
عرض ایدیور . تنسیب بیوزور سنہ کنز تلغرافی عیناً
او قویہ لم : (او قونسون سسلری)

فرقه آرقداشلرمانه عرضه حرمت ایلرم .
۱۵ ایلول ۳۷ برنجی سواری فرقه سی ق .

عثمان ذی

زده اوتشکره اشتراك ایده رز .

سایمان سری بك — استغفر الله .

رئیس — بوندن اولنکی جلسه ده باش قوماندان پاشا
حضرتلری واسطه سیله اردویه یازیلانچ تشکرنامه یی
دیوان ریاست مسوده سی تنظیم ایتیش برای معلومات
مجلس عالی کزه عرض ایدیور . امضایلدوب کوندره جکیز .
تورکیا بیوک ملت مجلسی رئیس باش قوماندان

مصطفی کمال پاشا حضرتلرینه

تورکیا بیوک ملت مجلسی بو کونکی اجتماع عمومیدسنده
ملی اردونک مستقلاً فداکارقلریله قازانیلان سقاریه
میدان محاربه سنک قهرمانلری تقدیس و تجلیل ایش
و بتون ملتک حسیانه ترجمان اوله رق بک دین اولان منت
و شکرانی دلالت فیضانلریله بالعموم اردو مذسوبیتنه
عرض و ابلاغه قرار و یرمشدر .

مجلس ، مجل و مکرم رئیس لرینک دشمن اردوسی
دوچار انهمزام ایله دین داهیانه عزم و تدابیری سایه سنده
استحصال ایدیوان بو بیوک ظفرله مفتخره عینی عزم و دهانک
خلاص قطعیمزه موصل قدسی یولده قازانیله حق موفقیترلرله
ملت و مملکتک خلاص قطعیمسی تأمین ایده جکمه مطمئن
وبوکا منتظر در .

رئیس — رفقاندن مآذونیت ایستین ذوانک عددی
اولدجه مهم بریکونه بالغ اریور . فقط هنوز مآذون
اولان ارقداشلرمن عودت ایتدیکه نصاب مذاکره یی
تأمین ایچون بونلرک ایچنده یالکیز راپوره استناد ایدن
اوج ارقداشک مآذونیلری دیوان تقریقاً مجلس عالی کزه
عرض ایدیور . دیگرلرینه ده ارقداشلرمن عودت ایتدیکه
اوجر ، بشر مآذونیت و یریه جکدر . مراد بک قسطنطونی ،
آلئی آی مآذونیت ایستیور ، معلوم عالی کز بو ارقداشمن
اوزون مدت دنبری اسیر فرامدر . مراد بکک مآذونیتی
تذیب بیوراندلر لطفاً ال قالدیرسون : (قبول ایدلدی)
حاجی محمد افندی بایزید ، برای مآذونیت ایستیور . قبول

ایدنلر لطفاً ال قالدیرسون (قبول ایدلدی) خلیل ابراهیم
افندی اسکیشهر ، اون بش کون مآذونیت ایستیور .
مآذونیتی قبول ایدنلر لطفاً ال قالدیرسون (قبول
ایدلدی) افندی .

اقتصاد و کلی جلال بك — مجلس عالی در خاطر
بیورور که : ۱۰ ایلول تاریخنده زونفولداق حوضه فخریه سنه
عابدیرقانون قبول ایدلدی بوقانونک قبولی و محله تبلیغی عصر لردن
بری ملت مزدن دایق بک آلیشمش اولان بونلرک پریشان اولدینی
وشانی اوردومزک یکیدن پارلاق بر مظفریت کوستردیکی
زمانه تصادف ایتدیک ایچون مملکتده هر ایکی صورته
شایان تمثیل کورولدیکنی آدیقم تاغر افلر بیلدر مکده در .
معین عمله سی که : بونلرک عددی ارن بیکلره بالغ اولمده در .
حکومت مایه مزک بویه مشکل زمانلرنده بویه جهاددن
وطن مدافعه سیله مشغول اولدینی زمانده کندیلرینک
پریشان اولان حقونک محافظه و صیانت عزمنده کوستردیکی
خلوص و اثر شفقت پدرانده دن طولانی مجلس عالی کزه
شکرانلرینک عرضی بنده کزدن استدعا ایله عرض
و طلب ایتکده بولیورلر . بونی عرض و تبلیغ ایچون
کرسی به کلام . بوقانونک قبول تاریخنه تصادف اولان
۱۰ ایلول تاریخنی کندیلرنجه الک بیوک برگون عد
ایتدکری ، بناء علیه مجلس عالی کزه قارشى متدارقلری
بوصورته هر سنه تمثیل ایده جکلری و مملکتده دائماً نافع
برعضواولاجقلری و اوصورته پشایا جقلری تأمین ایدیورلر .
بنده کز بونی کمال مسار ایله هیئت محترمه کزه عرض
و ابلاغ ایدیورم . (تشکر اولتور سسلری)

رئیس — روزنامه مذاکره کچوروز . مملکت مستخلصه ده کی
املاک متروکه نك صورت اداره سنه دائر لایحه قانونیه واردر .
آرزو ایده رسه کز اوج ماده دن عبارتدر یازلسون . هیئت
عمومیه سی مستعجلیت قر ازیله عدلیه انجمنه و برلش شمعدی
موضوع مذاکره اولان اودر .

عدلیه انجمنی مضبوطه سی

مملکت مستخلصه دن فراد ویا غیوبت ایدن اهالینک
اموال منقوله و غیر منقوله لرینک اداره سی حقننده کی
۲ ایلول ۳۳۶ تاریخنی لایحه قانونیه انجمنمزه دخی مایه

وکیل حضوریه تدقیق و مطالعه اولوندی . دشمن استیلا سندن قورتیلان محالرده اصحابک فرار و غیوبته منی صاحبسز قلان اموال منقوله و غیر منقوله ایله مزروعانک علی حاله ترکی ایادی غاصبینه کچرک تخریب و محالربنه و صاحبیلرینک اضرارینه سیبیت و یره جی و جانب حکومتدن اداره سیله عودت ایده چکره اعاده سی مخاذیرمذ کوره نی دفعه کافی بولندیجی جهتله برنجی ماده مندرجاتی مصیب کروشمس ، الحق معاملات داتراولان و برنجی ماده نک متممی بولنان ایکنجی ماده نک آروجه تثبیتدن ایسه برنجی ماده ده ذکر و قیسی داها مناسب بولشمس اولغله هر ایکی ماده بالتوحید برنجی ماده بودائرده تصحیحاً قبول اولونمشدر .

اموال مذ کوره نک مقدمه تنظیم قلنان و یابوندن صکره تنظیم قلنه حق و کالتنامه لره استناداً صاحبی نامه طرف آخردن محافظه و اداره ایدلک ایستنه سیله جکته و تبعه اوزرنده تصرف مصاحته منوط بولمنسه و آرتق احوالک دوامی مطلوب اولان انتظام و فوایدی اخلاص ایده جکی طبیی بولمنسه بناءً قانونک تاریخ مرعیتیه قدر تنظیم ایدلمش و کالتنامه لره استناداً وکیللر طرفدن وقوع بولان عقودک نظر اعبارله آلمسی ، فقط بوندن صکره حقوق عقد ایله وظائف و کالتنک حکومتیه انتقال ایلسی و قانونک تاریخ مرعیتندن صکره بوکی و کالتنامه لره بونلر و مستند عقودنک معتبر اولمامسی خصوصیلرینی تأمین مقصدیه ایکنجی ماده قلمه آلمشددر .

باسند تصرف اولنان اموال غیر منقوله یه فضولی اوله رق مداخله ایدن کسانک اداره منی و قانون جزایه توفیقاً تجزیه لری ایچون جانب حکومتدن وقوع بولان مراجعاتک صاحبیلری طرفدن اقامه ایدیان دعوالر طرزنده قبول و استماعنی تأمیناً لایحه قانونیه نک ایکنجی ماده سی بالتصحیح اوچنجی ماده اوله رق قبول ایدلمشددر . فرار و غیوبت احوال حرییه و سیاسیه الجاسیله استیلا کورمین محالرده موجود اولدیجی نظر دفته آلته رق بوکیلرک اشبو قانوندن استفاده اتملربنه برمانع بولندیجی جهتله قانون احکامی بونلره تشمیل ایدلک ایستنه نیلشمس و یوم مقصدله دردنجی ماده علاوه اولونمشدر . موافق کوریلان دردنجی و بشنجی

۵ -- ۶ رهنوله عیناً قبول ایدلمشددر . بناءً علیه تثبیت ایدیان ماده لره بروجیه آیدر :

ماده ۱ -- دشمن استیلا سندن قورتیلان محالرده اصحابک فرار و یا غیوبته منی صاحبسز قلشمس اولان اموال منقوله حکومتجه اصولی دائره سنده بالزاید فروخت و اموال غیر منقوله ایله مزروعات کذا حکومتجه اداره ایدیلرک ثلمان و بدل ایجار حاصلات سائره سی مصارف بعدالتریل امانت حسابه قید ایدلک اوزره مال صندوقلربنه تودیع اولنور . اشحق بونلردن عودت ایدنلرک اموال غیر منقوله لریله امانت مال صندوقنه تسلیم ایدلمش اولان مبالغ کندیلربنه اعاده اولنور .

ماده ۲ -- اشبو قانونک تاریخ مرعیتدن مقدم تنظیم قلنان و کالتنامه لره استناداً واقع عقود معتبر اولوب قانونک تاریخ مرعیتدن اعتباراً عقود مذ کوره دن متولد حقوق ایله بوعقوده استناد ایدن وظائف حکومتیه انتقال ایتشددر .

ماده ۳ -- صاحبسز اموال و متروکات و مزروعانه فضولی مداخله ایدنلر اداره منع و حقارنده تعقیبات قانونیه ایفا اولنور .

ماده ۴ -- اشبو قانونک احکامی احوال حرییه و سیاسیه الجاسیله سائر محالرده فرار و یا غیوبت ایدنلرک اموال منقوله و غیر منقوله و مزروعاتلری حقنده دخی جاریدر .

ماده ۵ -- اشبو قانون تاریخ نشرندن معتبردر .
ماده ۶ -- اشبو قانونک اجرای احکامنه مالیه و عدلیه وکیللری مأمورددر .

کاتب	مضبطه محرری	رئیس
کنفری	سینوب	اسکی شهر
نشئت		
اعضا	اعضا	اعضا
قونیه	سینوب	بروسه
رفیق	حقی حامی	حامی

رئیس -- برنجی ماده حقنده سوز ایستنه یارمی؟
سوز ایستنه یارم ذوات اسمیلرینی قید ایتدیرسون :

مالیه و کیلی حسن بک — بوقانون ، برنجی ماده نك
تدقیقندن آکلاشیله جنی وجهله ضرورته بناء اموال مترو-
که نك اداره سنك ولایت عامه سی اعتباریله حکومت و برلمسی
اساسه مستند بر قانوندر . بوراده صاتمق ، ایلدن چیقارتمق
طرزنده کی حقوق تصرفیه یی یالکیز اموال متروکه یه حصر
ایتدک ، حالوکه ، بالآخره تدقیقات نتیجه سنده آکلادق که :
اموال غیر منقوله جنسندن اموال متروکه اولان اشیا لر اراکه ،
بونلر مرور زمانه بستیون ایلدن چیقار ق ضایع اولمق تهلیک سنه ،
احتمالاتنه معروضدر . بوده مملکت سنك اقتصاد و ثروت
عمومیه سنه برضربه تشکیل ایده جکدر . برچوق محملرده
موجود اموال ، متروکه نك اداره سنده در . حکومت یه
فوق العاده مشکلات وار . برنجی ماده نك ششو یوله
تعذیلی استرحام ایدرم : (دشمن استیلا سنندن قورتیلان
محملرده صاحب نك فرار و یا غیوب یته مبنی صاحب سز قالمش
اولان اموال منقوله ایله غیر منقرله دن مشرف خراب
اولانلری حکومت یه اصولی دائره سنده فروخت اولنور)
اوندن صکره عبارت نك عیناً قالمسی و صرف خراب
بر حاله کلش اموال منقوله نك یته صاحبی نامه اداره
ایدلمسی اقضا ایدیور . شمدی افندم ! برچوق اموال
منقوله وار که : حال حاضر یله قابل استفاده دکدر . یعنی
قابل انجار و استخراج دکدر . حکومتده ؛ بالآخره اونلرک
ایرادندن و محسوبی اجرا ایدلمک اوزره اونلری قابل
استفاده بر حاله کتیرمه سنه نه مجبور یی وارددر ، نه ده
امکان مالی وارددر . بونلری علی حاله ترک ایتدک ده
یواش یواش محو اولملری و بالنتیجه ثروت عمومی نك
ورقسم غیر منقول ثروت نك ضایع اولمسی انتاج ایده جکدر .
بناء علیه بواقسامه داخل اولان اموال غیر منقوله نك ذکر
فیائیه صاتیلمسی و پاره سنك صاحب لر یته عیناً اعاده ایدلمسی
و یا صاحبی نامه اداره ایدلمسی طرزنده ماده نك تمدنی
استرحام ایدیورم .

وهی افندی (قویسه) — افندم ! قانونک برنجی
ماده سنده بنجه بر نقصان وار . اموال منقوله نك بلمز ایده
فروخته یله مصارفی چیقارلدقندن صکره پاره سنك صندیغه
تسلیمی دنیلیور . بنده کز مصارف چیققدقندن صکره پاره

قالب قالمیه جغنی بیلمم . اورایه قاریشمام . اونلک ایچون
سوز سویله میه جکم (شمدی اوکا میدان ویرلمز سساری)
هپسی اولیورده ، حالا دوام ایدیور . اموال غیر منقوله
و مزروعات امانه اداره سی و اموال منقوله نك ده بلمز ایده
فروخت ایدلمسینه مساعدده اولمسی مالیه و کیلی حسن بک
علاوه ایتدی . بنم سویله جکم شو سوزدر : بو اموال
غیر منقوله و مزروعاتک جوارنده سنکستان محملرده ساکن
برچوق اهالی وارددر . اواراضی و اوزلر طرفندن ایشلند برلمسی
او اهالی یه توزیع ایتمسی و اونلر طرفندن ایشلند برلمسی
بوقانونک ماده سنه قویالم که : هم حکومت ، هم اهالی ده
استفاده ایتسون . امانه حکومتک اداره سی ممکن دکدر .
اونلک اداره سنندن ضررلی چیقارز . قطعاً فائده کورمه یز .
صاتمق مسئله سنده ؛ بعض محملرده طایب و مشتری سی بولمادی یی
کی صایلا بدندن بر فائده یی قدر . افندیلر ! بونک ایچون
اراضی متروکه یی هر حاله اراضیسز اولان برچوق
اهالی یه ویرمکله استفاده ایدلمسک بو قانونه علاوه سی
تکلیف ایدیورم .

حسن بک (مالیه و کیلی) — وهی افندی نك
افاده سنندن آکلادیغمه کوره اراضی متروکه مزروعاتک
بلمز ایده صاتیله جغنی استاج بویوردیلر . حالوکه مزروعاتی
صامتایورز . مزروعات حقه نه یادیغمز شکل اداره یه
او جوارده بولان ارباب مساعی یه دیورز که : بو مزروعاتی
کاله کتیریکز . حصاد ایدوسکیز ، عشری چیققدقندن
صوکره حاصلات باقیه نك نصفی امک کز متقابل سزه براقه جغز
دیورز . نصف دیگر یی خزینه ایچون قبض ایدیور .
مزروعاتی صاندیغمز بوقدر . اموال غیر منقوله نك اولان
اراضینک جوارده بولان کویلولره بلا بدل تفویضی
مسئله سنه کلنجه : بنده کز بوکا مع الاسف اشترک
ایده مسیه جکم . اکر بو اموال امیری دن
اولسه ایدی ، اراضی امیری یه اوززدن استفاده ایده
بیله جک اولان ارباب زراعه تفویضی مسئله سی اولسه
ایدی بنده تماماً افندی حضر ت لر یله برابر دم . یالکیز بو ؛
ولایت عامه سی حسیله حکومتک قانونه استناداً وظایف
اداره ایده جکی اراضی صاحب سز اراضی دکدر . بونک

صاحب نامه اداره سی موضوع بخشد. حکومتده برینک مالی آخره بلا بدل نفویض صلاحیتی وارمی، یوقیدر؟ اون هیئت جلیله کن تقدیر بیورور.

وهی افندی (قونیه) - دمنیدن صاحبسز بیوردیکز. مالیه وکیلی حسن بک (طربزون) - بالفعل صاحبسز قالمش. فقط برینک نامه مقیدر طابوقدینه کوره.

اسعد افندی (آیدین) - بنم بوماده قانونییه هیچ عظم ایرمیدی. دشمن طرفه فراد ایتش بزه سلاح قولانمش و طنداشلرک حکومت اموال منقوله لرینی صانه جق، اداره ایدرجک صکرده بونلره مکافاة یارینی اعاده ایدرجک بونک کمال تأثرله ردینی طلب ایدرجک محتاجینه توزیعنی استرحام ایدیوروم.

رئیس - مصطفی صبری افندی بیوریکز. مصطفی صبری افندی (سعد) - بنده کنز صرف نظر ایتدم.

بصری بک (قره سی) - هیئت عترمه یه بعض قانونلر کلیور. بوقانونلر بوراده برکره عرض اندام ایتدکن و برانجمنه حواله اولندقدن صوکره بردها قارشومز. چیقمیور. خاطر عالیکنزده در که دشمن استیلا سندن قورتیلان محللردن فرار و یا غیوبت ایدنلرک اموال غیر منقوله لرینک ماللری و مللک لرینک بونلرک ضیاعندن طولانی متضرر اولان ملنجی و مهاجرلرله ویرلمسی حقنده بوقانون وار. اوقانون شمعی قارشومز کانی بوقانوندن آیری برشیدی. مالیه وکیلی حسن بک (طربزون) - او یله بوقانون یوقدر. افندم!

بصری بک (قره سی) - دوامله قانونک برنجی ماده سنده بعض ولایانک ذکر ایدیلوب بعضیلرینک اونودلسی دولایسیله نقصانک اکیلی ایچون انجمنه تودیمته قرار ویرمشمک اوقانون هنوز چیقمه امشد. مالیه وکیلی محترمی حسن بک افندی به مذاکره دن بالاستفاده اموال غیر منقوله نکه حکومت نامه آلمنی تکلیف ایدیورلر. شمعی یه قدر حکومتک آئنده بولنسل امسلاک اراضی و سائر نکلر مکنه نه قدر مفید و یا مضر اولدیغنی کوردک. اگر دشمن استیلا سندن قورتیلان محللرده کی اموال

غیر منقوله یی ایشلمک مفید برحاله کتیرمک ایسته یورساق، اگر مالیه نکلر اوتهدن بری یاپدیغنی کی ثابت سرمایه لری، غیر مفید سرمایه لری چوغالمنق ایسته میورساق بونلری امسلاکی محو ایدیان برطاقم زواللی دینداشلریمزه ویرلم مع مافییه بومسئله دمنین عرض ایتدیکم وجهله دیکر بوقانونله حل ایدلمک لازم کلن برمسئله در. اما قانونده انجمندن هنوز چیقمه امشد. شمعی یالکنز بوماده دائره سنده مذاکره مزنی اجرا ایدلم اگر اموال غیر منقوله یی حکومت آلتی ایستیورسه بوکا بنون موجودیت مزله عصیان ایدلم ویرملم. یوق بوماده علی حاله مذاکره ایدیلرک ایسه اووقت برشی دیمکه حتمز یوقدر. بناء علیه بنده کنز بوسیلله ایلر تکلیف ایدرم که انجمنده او یویان اوقانونک تام زمانی کلشد. بران اول مجلسمه تودیع ایدلسون.

هاشم بک (چوروم) - بصری بک مطالعه لرینه اشتراک ایدیوروم. توحید ایدلسون. بوقانون انجمنه کیتسون.

موسی کاظم افندی (قونیه) - مطالعاتم بلکه قانونک هیئت عمومیه سنه عائد اوله جق کیدرم. ماده ده بعض نواقص کوریدیورم. دشمن استیلا سی آلتندن قورتیلان و طنداشلر مز فرارده ایتهمش، غیوبت ده ایتهمش ایسه بوکا نه دیه جکیز؟ و بورایه حکمک احتمالی ده موجود دکدر. وکله مه مش ایسه بوکا غیوبت دیه جکمی یز و یا خود اوراده بروکیل طرفندن اداره ایدیلرکن کیتهمسندن متولد بر صاحبسزاق حاصل اولمش ایسه و بوده گندی اختیارنده اولیان اسباب تخنندن حصوله کلش ایسه بوماده ده بر نقصان یوق دیمیه جکمی یز؟ بوکی قانونلرک ظاهرده برفانده سی تصور ایدیلر یلیر. فقط آجی، آجی شیلر کوردیکمز کی بونلر مضرت ملیه دن تولید ایدر. شوویا بو اداره سزلنلر سبیلله بوکی اموالک منافعی مع لاسف بعض اشخاصک آئنده قالدیغنی حاله ضررینی مات چکر بوندن هیچ استفاده ایتمین زواللی ملت متضرر اوله بیایر. قانونک بویه قاچماقلقدن استفاده یه فالشمیه لم. کندی حقوق زه کندنم تصرف ایدلم. و آجیق آجیق اولان حقلمزنی صرف ایدلم که بیجده هیچ صنع

و غیو بقیله صاحبسز قالان املاک ، خرسیتانلرمی عاید اولانی ، یوقسه اسلامله عاید اولانی می ؟ (تفریق یوقدر سسلری) صکره ماده نك اشاعی طرفسده ؛ مزروعات کذا حکومت طرفندن اداره ایدیلر نك اثمان ، بدل ایجار و حاصلات سائرهمی ، مصارف واقعه دن بعد التزیل الخ دینور .

یوقاریده صاید قلمز مصرف ؛ و صوکره برده مصارف واقعه تزیل تعمیری نه اولیور ؟ .. بناء علیه ماده نك نواقصی وارد . آرقداشلم نك تکلیفی وجهله بونك انجمنه اعاده سیله تدقیقی تکلیف ایدرم .

رئیس — شکری بك بو یوروك .

محمد شکری بك (قره حصار) — بن واز کچم .
طوراق بك (ارضروم) — افندیلر اموال متروکه حقنده انجمنده بر قانون وار . انجمنده بر قانون واریکن بو قانونی اوندن اول مذاکره ایتمک ظن ایدیورم که : دوعری دکدر . چونکه : افندیلر ! بزم کرک شرقره و کرک غریبه ، حالا بوکون بیله ، تبلیغ رسمیلرده بیانی دوام ایدن یافینیلر یوزندن مملکتتمز همان خراب اولمش بر درجه ده در . کرک شرق ولایتلرنده و کرک غرب ولایتلرنده اینهلر کاملاً محو اولدی ، خراب اولدی . بونلری نه حکومت یایمق امکافی وار ، نه ده باشقه سی .. بو کرن پاره مز یوق .
المزده اموال متروکه دن آز چوق هر طرفده اوج بش خانه بولونیور . بونی ده قالدیرر بوبله بر قانون یاپار و اداره سی حکومتده تودیع ایدرسه ک خلقک حالی نه اولور ؟ خاق پریشان اولور . بنده کز رجا ایدیورم . ذاتاً بر تکلیف مزده وار . بو قانونک مذاکره سی تأخیر سوردک . انجمندن دیگر قانونده کلسون برابر مذاکره ایده لم .
(موافق سسلری)

وهی بك (قره سی) افندم ! آرقداشلر ده سو -
یلورلر . اموال متروکه حقنده کی بو قانون انجمنه اوضر امادی . اکر انجمنه اوضرادی ایسه اوتکی قانونی انتساج ایتمدن بو قانون نه دن چیقادی ؟ انجمن نامه کی سوبله جک ایسه جواب ویرسون .

رئیس — قوانین مالیه و میوازنه مالیه انجمنلرینه کیتدی . اونلر دن کلد کندن صوکره مجلس عالی قانونک

و تقصیری اولمان زواللی ملت متضرر اولماسون . بو اموال منقوله حقنده بر درجه یه قدر معقول اوله بیلیر . چونکه : صاحبسز قالمشدر ، و کیلسز قالمشدر . بونک ادره سی حکومت عاید اوله بیلیر . اموال غیر منقوله یه کانه : مثلاً شوراده برآو وار ، کندی کندینه حکومت وضع بد ایندیکی تقدیرده بر آی ، اون بش کون صوکره ذاتاً خراب اوله جق . بونی بز کوردک آکلادق ، اداره ایده مدک وینه اداره ایدیلر میه جکدر . و بالعمکس معکوس نتیجه لر تولد ایدیلر جک . تضمینات ، تخریبات دعوالری ، ملنک اوموزلرینه یوکنه جکدر . حسن بك افندی یور یوردلر که : اداره سی مشکل و یا خراب اولان اموال غیر منقوله صاتیله رق نقده تحویل ایدیلر جکدر . اموال غیر منقوله اداره سنک مشکلاتی تعیین و تقدیر ایتمک ودها مشکل بر معامله در . بوکی قیودات قانونیه ، اموالیه سوء استعماله سوق ایدر . اموالین عائدیه سی تقدیر ایدم . مختلف اجهدلر حاصل اولور . قانون قطعی اولمالیدر . یا صاتیله جق و یا اداره اولنه جق دینمالیدر . یونلر مشکل شیلردر . صوکره بونلرک صاتیله سی ، مسئله سی اوجوز و یا فاخش بر فیائله صاتیلیر . هر حالده قیمت حقیقیه بیله صاتیله جقی ظن ایتم . اوجوز فیائله آله بیلیر . فقط ، بالاخره بوملکک آلتسی ایچون ویردیکی پاره یی بوله ماممی احتمال ، امکانی واردر . بوندن ینه شو ، بو متضرر اوله بیلیر . بناء علیه بوقانونک بر قائده سی اولدیغی کی هله شوماده ده ؛ اصحابنک فرار و غیو بقیته مبنی صاحبسز قالمش اولان ؛ برینه صاحبسز و وکیلسز قالمش اولان دیه لم . . .

مالیه وکیلی حسن بك — صکره ماده یه مخالف چیقار . . .

موسی کاظم افندی (دوامله) — ماده یه مخالف اولان حقده مخالف اولور . و کیلسز قالمش اولان اموال غیر منقوله دیه لم .

سلیمان سری بك (یوزغاد) — معلوم حالیکز او نه دن بری اموال منقوله ، و اموال متروکه کله لر خرسیتانلر مختص بر تعمیر کی تاقی ایدیلور . بوراده اصحابنک فرار

ووقوعی متصور دکلد. فراریدنلرک مملکت خیاخی، اهاقی اعتباریله - خواجه اسعد افندی حضرتلرینه جواب ویریورم - ماللرینک مصادره ایدلمسی و صاحبلی نامنه برید مشفق طرفدن اداانه ایدیلوب اداره ایدلمسی وعودت لرنده ماللری ایرادلرینک کندی لرنه اعاده ایدلمسی کبی بر نتیجه نك عدالتله قابل تألیف اولدیغنی سویله نیلر . بومسئله وارد دکلد .

اسعد افندی (آیدین) - دده لر نك ؛ مرحمتدن مرض حاصل اولوردید کیرینی اونوتمايلم . مرحمت ایده ایده بوحاله کلدك حسن بك افندی . .

مالیه وکیلی حسن بك (دوامله) - خواجه افندی حضرتلرینک مقصدلری حاصلدر افندم . اگر فرار ایدن اشخاصك اثنای فرارنده اولرک مظنونیتنی موجب احوال وارسه علی الاصول محکمه ده ثابت اولور ؛ حکمه اقتزان ایدروبووجهله مملکت اهانته دشمنه معاونت مقصدیله فراریتمش اشخاص بولنه حق اولورسه جزالرنی ذاتاً کورورلر وبونلرک مالی ذاتاً محکمه جه مصادره اولنور . مصادره حکمی محکمه دن چبقار چیقماز آرتق اوراده اموال متروکه حکمی جاری اولماز . دوغریدن دوغری یه اوال امیرییه میانه کیرر . اموال امیرییه نك ؛ مملکتک کرک داخل وکرک خارجی غوائل دولایسیله متضرر اولمش اولان اها لیمزه توزیع مسئله سی بنده کر بومسئله ایله اوقیدر علاقه دار کورمه یورم . اونی آ یروجه دوشونمک و آ یروجه برقانون یایمق لازم کلیر . وبنده کر کندی حسابمه سویلیورم ؛ اموال امیرییه نك قابل استفاده برحاله قونمسی ایچون ؛ بالخاصه اموال امیرییه نك محتاج معاونت ارباب زراعتنه توزیعنه طرفدارم . وبلکه یاقیننده هیئت جمیله کری بویله برقانونله عئزقه دار ایده حکم . بومسئله بوسبوتون باشقه در . فقط کرک وکالت وکرک ولایت اعتباریله باشقه سنک نامنه مقید اولان مالک اداره سی بوسبتون آیری بومسئله در . بوایکی مسئله نك بربرینه قارشیدر لمامسی لازمدر .

موسی کاظم افندی صاحبسز قالان ویاوکیلی قانونیسی بولغانیان قیدی ماده یه علاوه ایتمک ایسته یور . حالوکه : قانونک دیکر ماده سی اوقونه حق اولورسه بویله شخص

هیئت عمومی سی حق سده مذاکره سی اجرا ایتدی و مستعجلیت قرارینی قبول وماده لرینه کچدکن صوکره تعدیلاتی نظر دفته آلدی وقریرلرله برابر عدلیه انجمنه کوندردی . شمدی موضوع مذاکره اولان قانون ، عدلیه انجمننک تعدیلاتی وجهله کلن قانوندر . تنظیم ایدیلن یکی مضبوطه دره دوستیه ده مربوط و موجوددر . هر ایکی انجمنه ده اوغرامشدر .

مالیه وکیلی حسن بك - بنده کر بولایحه قانونییه عدلیه انجمنده بولدم . بنده کرک زماننده ویرلمش بر لایحه دکلد . عدلیه انجمنده مذاکره سی اجرا ایدیلرکن اثنای مذاکره سنده حاضر بولندم ولازم کلن ، لزومل کوردیکم تعدیلاتی ده سویله شدم . نتیجه اعتباریله بوشکل آلمشدی . برنجی ماده ده بر کره شونی عرض ایتمک ایسترم که : بوقانونک تدقیقاتنده سیاسی ساحه لرده انتقالی واردر . بناء علیه اموال متروکه ماهیتده مالی قالمش آدملرک اموال منقوله و غیر منقوله سنی آلوب بر چوق احوال مبرمه وسائر دولایسیله متضرر اولمش اولان اها لیمزه توزیع مسئله سنک بر عکس تأثیری واردر . بونی ده نظر دفته آلمق لازمدر .

طور اقبك (اضررم) - شمدی یه قدر اهایلی یه نه ویره بیلدیکرکه :

مالیه وکیلی حسن بك (دوامله) - اها لیمک الله دکلدر طوراق بك افندی . اموال متروکه کی بوکون قاریشدیر سه ق . بر قاج متغبله نك الله چیقماز . مقابله بالمثل ظن ایدرم بزى ده ا زیاده متضرر و متاثر ایدم بیلیر . شمدیلک بومسائل سیاسییه حل ایدلمکجه بومسئله نك مذاکره سی ، برقراره ربطلی دوغری دکلد . موسی کاظم افندی عباره نك نواقصی مسئله سنده ، فرار و غیوبته بولنانلردن ماعدا ، باشقه حالده بولنانلری قصد ایتدیلر . بنده کر ظن ایدرم که : بوایکی احتمال خارجنده فرار و غیوبت اسبابی هر نه اولورسه اولسون ، اختیارى اولسون ، ضروری اولسون هبسی غیوبت کله سنک ایچنه داخل اولور . صوکره بوایکی حالک شکندن اوچنجی برحاک ظهور

وكانت لك بر جوق سوء استعماله او غرادي و عملك
فرار اتمت مجبوريتده قالان هر هانكي صنف اشخاصك
حقيقه كندى منفعتى اقتضا سندن اوله رق مقاولات محررى
معرفيله بايبلان بروكات ايله بوايشه سپر اولمىي محتملدر .
و ذاتاً قانونك مقصدلرندن بريسى ده بوكى و كانتلرك او كنه
كچامسى اولق اعتباريله بنده كز برنجى ماده به وكيل
قانونيسى بولمىان قيدىك علاوه ايدلمسى رجا ايدم .
سببى عرض ايتدم . بوكون باشقه شكلده ظن ايتديك كز
كچى اراضى : متضرر اولان ، سفل اولان بيجاره خلقك
النده دكل متغلبه نك الله كچمشدرد . (جوق شى نه لازم
بوصدالرى) كاتب عدل معنای لغويى اعتباريله عادلدر .
بونك تنظيم ايتديكى و كانت نامه و على العموم
وسائق شرعيه ، حجت و مقاولات بتون محاكمه معتبردر
بو بويله اولدينى حالده بر كاتب عدلك تنظيم ايتديكى
و كانت نامه ايله اواملاكى اداره ايتديكى حالده شونك بونك
النده قالمشدر دمنه بر وكيل اولق اعتباريله هيچ عقم
ايرمز چونكه : حكومت هر حالده كاتب عدلك مقاوله نامه سنى
قبول ايتمشدر و حقيقه بويله در . بونك ايچون باشقه
چاره يوقدر .

موسى كاظم افندى (قونيه) — قانون بويله مدافعه
ايدلمز . كنديسى بورايه كديكى حالده كله مين و باسكه قبول
ايدلمه ين ذوات اموالى و كانتله اداره دن باشقه چاره بوله
بيليرى ؟ رجا ايدرم بوكا بر ضرورت يوقيد ؟ و هر كسك
مانده كى تصرفى قبول ايدنجه بو امكان عقلى موجود
دكليدر . مال صاحبلى ايچون اولسون كيم اولورسه
اولسون بناء عليه و كانت نامه لرك و بوكى حجت شرعيه نك
معنای قانونيسى ، معنای عقليسى موجوددر . معنای
وجدانىسى موجوددر . هر شئى موجوددر . بناء عليه ، كانتلره
هيچ بر زمان حكملر ابطال ايديله مز .

ماليه و كلى حسن بك — اويله نظريه ايله اولماز .
موسى كاظم افندى (دوامه) — نظريه دكلدر .
شرعيه ، عقليه ، قانونيه در . عقل سليم قبول ايتمشدر .
بونى ابطال ايچون محكمه حكيمى لازم كلير . باشقه
چاره يوقدر .

وهي بك (قره سى) — افندم ! بنده كز بى قانك
له و عليه بنده بيان مطالعه ايدمك دكل . بونك اصول
مذاكره سى حقه در عرض ايتديكم شئىي اشرى ايدمك .
شايد بونى مجلس على قبول ايدمك اولورسه و ديكر
آرقداشلرك بيان بيورد قلرلى انجمنده كى قانونك قبوله ده
طرفدار بولورسه بو اونك حكمتى اساط اتمش اوله جق .
حالبو كه انجمنلرك بويله يكدى كيريله مناسبى و بلكه
مخالفى اولان قانونلرى برلكده انتاج اينوب
بريسى قبول و ديكرينى رد و يا خود ايكيسى ده مزج
ايدمك بورايه كترمه لرى ايجاب ايدر . حالبو كه : عائد
اولدينى انجمنلر بريسى انتاج اتمش ديكرينى اويقويه
ياتيرمش . بناء عليه بنده كز اوبى نك ده اوياند بويله رق
رد و يا قبول ، هر نه ايسه برلشديريله رك بورايه كلى
وشمدمى مذاكره نك تاخيرى طرفدارى يم . اساساً
بوكى قانونلر هر شيدن اول سونكونك اوجنه باغلى
قانونلر در . بناء عليه تاخيرينه ده مانع يوقدر .

رئيس — افندم ! عمومى مذاكره نك كفايتنه دائر
تقرر لر وار . رأى عاليكزه وضع ايدمك . برنجى ماده
حقه در عمومى مذاكره نك كفايتنى قبول ايدنر لطفاً
ال قالد يرسون : مذاكره نى كافى كور ميورميسكيز ؟
آكلايه ميورم .

افندم ! اوج تقريرك ايكيسى قانونك انجمنده كى ديكر
قانونله توحيداً مذاكره سنى تشكيليف ايدى بولرلر . وان مبعوثى حقى
بلكه ديكر ايكى رقيقك ده ديكرى آيدن مبعوثى اسعد
افندى ايله رفيق طور اقبلك ، ديكر بر تعديل نامه سى وار . برنجى
ماده به متعلق خراب اولان و اداره سنده صعوبت و مشكلاتى
كدر بيان اموال غير منقوله نك فروختى فقره نك علاوه .
سى ديه ماليه و كلى حسن بك طرفندن ويريلور . اولاً
اصوله تعلق ايدن قسمى رأييكزه وضع ايدمك .
بو قانونك انجمنده كى ديكر قانونله توحيداً مذاكره سنى
قبول ايدنر لطفاً الليرنى قالد يرسون : (قبول ايدلى)
افندم !

افندم ! ضابطه صديه حقه در كى قانونك اوجنچى
ماده سنك تعديلنه دائر بولايمكه قانونيه وار . اونك

مذاکره سینه کچیوروز، اولجه طبع وتوزیع ایدلمشدی . هیئت
عمومیه سی حقنده سوزایسته یئلر وار سه اسم لر نی قید ایتدی رسون
ضابطه صیدیه نظامنامه سنک بعض موادینک
تعدیلنه دائر

ماده ۱ — ۱۸ صفر ۱۲۹۹ تاریخی ضابطه صیدیه
نظامنامه سنک اوچنجی ماده سی بروجه آتی تعدیل اولمشدر :
صیاده ویریه جک رخصت تذکره سی ایچون (آتجق)
یوز غروش آنور . یوتذکره لر منحصراً شخصه و صیادک
نامه اعطا اولوب حکمی منسوب اولدینی سننه مالیه
مخصوصدر . ایکی ودها زیاده اشخاص یالکر برتذکره
ایله صیادنی ایدمز .

ماده ۲ — قانون مذکورک دردنجی ماده سی بروجه
آتی تعدیل اولمشدر : ذکر و دکردن معدود اولان
جسیم کولر داخلنده و بجره منصب نهرلرک منضیلنده
کرک دالین و کرک آغ و اولطه واسطه سیله صید اولنان
بالقردن و مدیه ، استردیه ، طراق ، پنی ، سولوتوس
و آشوادیس ، ینکچ ، استاقوس ، تکه و مائی حیوانات
مقشره بحریه ایله نهر ، کول و دره لر دن صید اولنان بالق
و حیوانات نهریه دن یوزده اون بش رسم آنور . بو
رسملرک صیدک جمله سی دوغریجه بالقخانه سی اولان
محللرده بالقخانه لر کتور و له رک مأمور و اصحابی حاضر
اولدقلری حلاله منادی واسطه سیله بالز ایده تقرر ایدن
قیات اوزرندن استیفا اولتور .

ماده ۳ — قانون مذکورک اوتوز اوچنجی ماده سی
بروجه آتی تعدیل اولمشدر : کرک کویک بالطه لقلرنده
کرک میری اورمانلر و قوریلقلری داخلنده سمور ، تلکی
سنباب ، سانسار ، زدوا ، قاسطورکی بالعموم پوستکیلر-
ندن انتقاع اولونان حیواناتی صید ایدنلر بونلرک پوستکیلر نی
پنار ، چارشو بازار محللرینه کتور ووب صیادقلرنده
سائر حیوانات اهلیه نک آلم صیادنی حقنده کی نظامنامه
موجبجه بونلرک قیمت رایجه لرندن غروشدیه بش پارا
رسم آنور .

ماده ۵ — اشو قرارنامه هر محله یوم نشرینک

فر داسندن اعتباراً مرعی الاجرادر .

امور شرعیه وکیلی بیوک ملت مجلسی رئیس نایبی
فهمی جلال الدین عارف
مدافعه ملیه وکیلی نامه

عصمت

خارجیه وکیلی نامه داخلیه وکیلی نامه عدلیه وکیلی
جلال الدین عارف دو قورعدنان جلال الدین عارف
نافعه وکیلی معارف وکیلی امور مالیه وکیلی
اسماعیل فاضل دو قورعدنان فرید
صحیه و معاونت اجتماعیه وکیلی اقتصاد وکیلی نامه
دو قورعدنان دو قورعدنان

ارکان حربیه عمومیه رئیس

عصمت

ضابطه صیدیه نظامنامه سنک بعض موادک تعدیلی
لزومه دائر اسباب موجب لایحه سی

قدیم بر تاریخیه حائد اولان ۱۸ صفر ۱۲۹۹ تاریخی
ضابطه صیدیه نظامنامه سی موجبجه دکزده و قرده
صیادلوق ایده جکله ویریه جک تذکره لر دن اون غروش
رسم استیفا ایدلمکده ایسه ده احوال حاضره سیله بورسمک
جزئیاتی محقق اولدیغندن وضعیت اقتصادی حاضریه تدقیق
معامله ایچون صیدمائی رخصت تذکره لر ی خرجنک یوز
و صیدیه سی تذکره لرینک بخی مذکور نظامنامه نک اوتوز
اوچنجی ماده سننده کی محل و موقع تقریرلرینک حذفیه
هر یرده علی الاطلاق یوز غروش خرجه تابع طوتلسی
مقتضی کورولمکده در .

کوچوک کوللرله منبئی اولمیان نهرلرده و درلرده
طوتیلان بالیقلردن یوزده اون حساسیله آنان رسملرله
دکزله جسیم کوللرده صید ایدیلن بالقلره نسبتیه
یوزده اون بشه ابلاغی فائده لی کورولمشدر . کذا لک
مذکور نظامنامه یه کلنجه : غروشدیه برپاره نسبتنده آنان
پوستکی رسمنک غروشدیه بش پاره نسبتنده ابلاغنده
محدور یوقدر . بناء علیه ضابطه صیدیه نظامنامه سنک
مواد مخصوصه سی اشو صورتله تعدیل اولونارق هیئت
علیه لرینه تقدیم قلممشدر .

قوانین مالیہ انجمنی مضبطہ سی

ضابطہ صیدیہ نظامنامہ سنک بعض موادینک تعدیلی
لزومنه دائر مالیہ وکالتک ۷ اگستوس ۳۶ تاریخی لایحه
قانونیہ سی انجمنزجه مطالعه و تدقیق اولندی .
لایحه مذکورہ مندرجاتی انجمنزجه موافق
و مناسب کورولمکه موازنه مالیہ انجمنه تودیی تذر
قلندی .

۲۰ تشرین اول ۳۶

اعضا	کاتب	مضبطہ محرری	رئیس
اسپارطه	اوقونمدی	سینوب	نیکده
محمدنادر	محمدشوکت	وہی	
اعضا	اعضا	اعضا	
بیلهجک	ارغنی	سعد	
م . وہی			

بویوک ملت مجلسی ریاست جلیلسنه

ضابطہ صیدیہ نظامنامہ سنک بعض موادینک تعدیلته
دائر هیئت وکیلجه تنظیم اولتان لایحه قانونیہ مسودہ سی
مندرجاتی انجمنزجه ده تصویب ایدلمکه کیفیتک هیئت

عمومیہ غرضی تذکر قلندی . ۲۵ تشرین ثانی ۳۶
کاتب ماردین مضبطہ محرری موازنه مالیہ انجمنی رئیسی
نجیب فؤاد فرید
اعضا از ضرورم اعضا اعضا مرعش اعضا موش
حاصم مظهر مفید احمد جدی تحسین

راغب بك (آماسیه) — رخصت تذکره لرینک
یالکیز بر شخصه مخصوص اولدینی ذکرایدیلبور . حالوکه
آلات صیدیہ وارد رکه : بولراوچ بش کشی ایله اداره
اولور . بر آدم آوجیدر ؛ دیگر لریده یاردمچیلریدر .
بناء علیه بوجهتک تصریحی ایجاب ایدر . بونی تکلیف ایدیورم .
رضانور بك (سینوب) — افندم ! رفقا مزدن یوسف
عزت پاشا حضرتلری معلوم عالیکنز جبهه ده ایدی ،
تشریف بیور شلر . بزه بعض معلومات ویرمک لطفنده
بولنور لرسه . وهیئت کرام قبول بیورور لرسه (های های ،
رجا ایدرز صدالری)

رئیس — بوقانونک هیئت عمومیہ سی حقنده سوز
ایسته یی یوق . ماده لره کیلمستی رأیه وضع ایدم جکم .
فقط ، مع التأسف مجلسده اکثریت یوق . تنسیب بیو -
رورسه کنز بش دقیقه تنفس یایلم . بش دقیقه تنفس
یایلمق اوزره جلسہ یی قیادیورم .



یتش یدنجی اجتماع — ایکذبی جلسہ

رئیس: رنجی رئیس و کیلی حسن فهمی بک افندی
کاتب راغب بک (کوتاہیہ)

۱۷ - ایلول - ۱۳۳۷ - جمعه ایرقی - ۴۵ - صوکرہ

رئیس — جلسہ فی کشادایدیورم، جمہدن تشریف
ایدن یوسف عزت پاشا - حضر تلمری طرفندن مجلس
عالیکزہ معلومات ویرلمسی ایچون توقاد معوثی مصطفی
بک طرفندن ویرلمش برتقریر موجوداولدینی کی شفاهادہ
طلب وقوعبولدی . آرزو بیوریورمیسکنز ؟ (های
های سسلی)

یوسف عزت پاشا (بولی) — محترم آرقداشلر !
ملی مجاہدہ مزک اگ نازک بر دورندہ حربہ اشتراک ایتک
خصوصندہ اظهار ایتش اولدیغ آرزومی اسعاف ایتش
اولدیغکزدن دولایی جملہ کزہ عرض تشکرات ایتیم .
بندہ کز بوسایہدہ ہم خدمت وطنیہمی حضور قبلہ ایفا
ایتیم . ہم دہ مجلس عالیکزہ اردونک حقیقی حائی
عرض ایچون کندی ایچریسنندہ خدمت ایدہرک
کورمک و سزہ عرض معلومات ایتک فرصتی الدہ
ایتیم . بیاناتم عمومی نقاط نظریدن اولہ جقدر .
بک اعلا تقدیر بیورمش اولہ جقسککزہ: برعسکر صفتیلہ
ایفای وظیفہ ایتدیکم ایچون هنوز حرکات حربیہ نک
تکمیل تقرعائی مجلس عالیکزہ عرض ایتک زمانندہ
دکتر . فقط مجلس عالیکزی اردو حقندہ تماماً تنویر
ایتک ایچون لازم کن معلوماتی عرض ایدہ جکم، معلوم
عالیکز ۱۰ تموز کونی دشمنک اسکیشہر و کوتاہیہ خطنہ
قارشی برتقررضی واقع اولمشدی . ویکرمی برتموز تاریختندہ
بوتقررض توقف ایتمشدی . بو آندہ اردو مزک مغلوب اولد
یغنے دائر خصمہ زک مطبوعات عالندہ یامیش اولدینی بربرو
یاغندا واردی . وهر کس اینانمشدی کہ: اردو مز زدہ لغش
ودشمن ایلریلہ مشدی . فقط اردو مزک مغلوبیتنہ بالخاصہ
اردو مزک قوماندانی هیچ قانع دکلدی . قوماندان پاشا
حضر تلمری بکرمی برتموز وضعیتندن صکرہ اردویی
۲۱ تموز خطندن دہا کیری یہ، سقاریہ کیریسنہ آلمش اولمق

صورتیلہ تاریخ حربک مقیدایتہ یکی دایہایہ برقرارلہ اردو
مزہ حقیقی برتقررض ایچون برقدورت کسب ایدہ جسک
وضیعت الدیرمشدی . آلدیغمز تکمیل ایلرک شہادتیلہدہ
عرض ایدیورم کہ: اسکیشہر و کوتاہیہ خطندہ یامیش اولدینی
حرباریلہ یازلاق ایدی و دشمن اوندن فوق العادہ مانراولمش ایدی
دشمن ۲۱ تموز خطمزدن سقاریہ کیرمک ایچون بک
چوق زمان صرف ایتش واوردو مزک برتقررضہ قابلیتی
کسب ایتسنہ زمان اولمشدر . بوتاریخی شاہدیر . اردو مز
سقاریہ کیریسنہ کلدیکی صمرلردہ ایدی کہ: بندہ کز
اردویہ التحاق ایتشدیم . معروضاتمک زیادہ بورادن اعتباراً
اردو مز سقاریہ کیریسنہ کیردیکی زمان، آرقداشلر! مجلس
عالیکز غایت مهم وتاریخی وظیفہ سی ایفا ایتشدیر . اودہ
مجلسمزک رئیس محترمی باش قوماندان انتخاب ایتک
وبو صورتلہ تکمیل ملتک عزم و ارادہ سی بر نقطہدہ
توحید ایتک و آندن صکرہ مجلس ملیمز، حکومتمز
اردونک یقین کیریسنندہ کمال ثباتلہ قالہرق اردویی وظیفہ سہ
وملتی اردوسنہ قارشی سوق وتوجیہ ایتش اولمسی تاریختک
دائماً تجیل ایدہرک یازم جفی بروقعہدر . دشمن نہایت
اسکیشہر و کوتاہیہ خطندن سقاریہ طوغری ایلریلہ مکہ
باشلامشدر . آرقداشلر! بوسمرلردہ محترم ارکان حربیہ
رئیمی پاشا - حضر تلمری بک سولمش اولدینی بر سوزی
درخاطر ایتدیرمک ایستیم . دیدیلر کہ: دشمن مزارینہ
یا قلاشیور . حقیقہ آرقداشلر! دشمن مزارینہ یاقلاشمش،
اریمش وازیشدر . وشدی دہ باش قوماندانمز دشمنی برک دینہ
کومککلمہ مشغولدر . آرقداشلر! بزجہدہ آلدیغمز معلوماتدہ
پاپولاس بش ایلولدہ آنقرہدہ بر ضیافت ویرہ جکممش !
حالبوکہ: بز ۶ ایلولدن اعتباراً دشمنی رجعت ایتکدہ
کوردرک . بناء علیہ پاپولاسک ضیافتی بر خیال درجہ سی
کچمدی . پاپولاس بورادہ (میتزدادہ) قارشی اناطولی یی
مدافعہ ایدن (پومپہئی) دولی بیلہ ایفا ایدہمدی .
(میتزداد) ی بر مثال اولہرق عرض ایدیورسہم، تاریخی
بر مثال اولمق اوزرہ عرض ایدیورم . اناطولی بک روم
استیلاسنہ قارشی اگ صوصامش برمدافی ایدی . بوکون
اردو مزک باش قوماندانی عیناً تاریختک قید ایتش اولدینی

(میترداد)ك وظیفه سی ایضا ایتمکده در. (آقیشلر) شو
فرقه که : (میترداد) اوزمان انجام کار مغلوب اولمشدی .
فقط حمد اولسون اردومن غالب بر وضعیتمده در .
(آقیشلر) شمدی تاریخك رولی دکیشمشدر . آنقره
جواننده برلانی اردو (میترداد) غلبه چالمش . فقط ، وکون
آنقره حکومتی دعواسنی کندی طور اغنده ، کندی
حدودی داخلنده قزاققله افتخار ایده بیلیر . دشمن سقاریه خطنه
ایلروله دیکی صره لرده کی احوالی مجملای عرض ایده جکم .
اردومنك جهه سنده سقاریه وارد که : بو سقاریه بی
شاعر لرمز بوندن صوکره اناطولینك برطونه سی اوله رق
یادایده حکدر . اردومن اعتمادله سقاریه وادیسند بکرکن
دشمن اردومنك صول جناخنه ایلیجه وادیسند دوعری
اساسلی قوتلریله ایلرولمکه باشلادی . بنده کز او زمان
مرکزده بر وظیفه آلمش ایکن اردونك صول جناخنه
کوندیرلیم . دشمن هنوز مانفال طانغی دنیان یوکسك
برطاغه وارمش اولدینی صره ایده کی : اردومنك دشمنك
هیچ امید ایتمه دیکی بر آنده قارشوسنده ظهور ایتدی .
واشته غزته لرده کوردیککز قورک اردونسك صول
جناخنده مقاومت معروض قالدق ، دیه و برمش اولدق لری
معلوماتده بر کره سواریلرمنك او آنده یعنی اساس قوتلرک
عجبا بزم صاغزده می کلیور ؟ یوقسه صولزمه می دوشیور ؟
بونی وقت وزمانیله کشف ایدوب باش قوماندانلغه برقرار
ویرمی ایچون یالینی خدمتدن ایلری کلیور . سواریلرمنك
ایضا ایتدک لری خدمت لره جدا افتخار ایده بیلیر . سواریلرمنك
حربك بوصفجه سنده ایضا ایتمش اولدینی وظائف تاریخ
عسکری و ملی ایچون بیوک بر شرفدر . سواریمزیا ککز
اردومنك صاغندن ، دشمنك آرقه سندن اساسلی بر صورتده
آنی دائماً صار صه رق تبعید ایتک و قوماندانلره لازم کلن
ظفری قزاندیرمق ایچون لازم کلن زمانی قزانشدر .
نهایت ، حرب تکمیل جهه ده باشلادی . صول جناح ،
مرکز ، و هر طرفده محاربه به باشلاندی . بو محاربه به
بالخاصه آغستوسك یکریمی اوچندن ایلولک ۱۴ نجی
صباحه قدر بتون شدتیله ، بتون شهو ریه دوام ایتدی .
آرقداشلر ! .. بو ۲۳ آغستوسدن ۱۲ ایلوله قدر کچن

زمان ظرفده دشمنك ایلروله بیلمش اولدینی ساحه
وسطی اوله رق (۵۱) کیلو مترودر . یعنی (۳) ساعتك
بر مسافه در . بو (۳) ساعتك مسافه ذاتاً بر حرب میداندر .
بو (۳) ساعت داخلنده قطعاتمز بر موضعدن دیگر بر
موضع کچمی مانور ایجاباتندن ایدی . دشمن هیچ
امید ایتمه دیکی اوله عظیم بر مقاومته اوغرا دی که : تماماً
شاشیردی . وطن ایدیلردی که : بوزم بیلدیکمز سفر
دکدر . موضعی بر بوقس محاربه سیندر . نزه به توجه ایتدی
ایسه اوراده کندیسنه قازشی سوق ایدلمش قاهر بر قوت
بولدی . دشمن تماماً صار صیلدی و ازبلیدی . اردومن
صول جناخندن چویردك آنقره به کیرمک و آرزومز
آنقره دن تجرید ایتک وشماله آتمق آرزو ایدیوردی .
عرض ایتدیکم کی باش قوماندانلرک وقت زمانیه تدابیر
اتخاذ ایتمش اولسی و دشمنك بو پلاتی تماماً عقیم راقدی .
بو سفر دشمن آننجق جهه منك مختلف اقسامی زور لافمه
مجبور اولدی .

حرب ، بوصفجه به انتقال ایتدکدن صکره قطعاتمزک
قهرمانلق نورلری باشلامشدر . بنده کز بر شاعر اولمش
اواسه یدم بونی تصویر ایده بیلیرم . بن بونی ضابطاندن
طوتیکز تا الك اوافق نفرینه قدر بر قهرمانلق سورتیه
توصیف ایده بیلیرم . دشمنك الك زیاده مقصدی صول
جناخندن یعنی حیانه جهتمدن اردومز ایکی به بولمکدی .
بونده ذره قدر موفق اولامادی . بناء علیه ، دمنده
عرض ایتدیکم کی ، محاربه موضعی بر شکله قالمشدی .
وصوک زمانلرده ایک بری ، ایکسی ، اوچی بوتاریخلرده کی
دشمنك الك عقورانه تعرضی هر یرده عقیم راقدیرلیدی .
(بش) آقشامندن اعتباراً دشمنده عمومی بر
توقف ، عمومی بر بودغونلق علامتی نمایان اولمغه
باشلادی . آلتنجی کونی ایدی که : بزم صاغ جناخندن
برغروب قوماندانی دشمنك بعض رجعت آماره لرینی
خبر ویرمکه باشلادی . دیمک که : اردومن ۸ ، ۱۰ کون
ظرفنده دشمنك بوتون زنده لکنی قیرمش و ۹ ده
عموم اردومن مقابل تعرضلره کچمش بولوتیوردی . دشمن
اردولرینك باشنده قراللری اولدینی حالده و تکمیل ملتک

قوتی برابرند کتیردی حلاله و تکمیل کندی متقلینک
طوبی، تفکی، جبخانه بی، پاره سی برابرند اولدینی
حلاله بتون بو استحضاراتی بزاون، اون ایکی کون
ظرفند تامیله قیردی. (سوره کالی آلفیشلر)
واون ایکی کوندن صکره اردومز ایلریله مک باشلامشدر.
آرقداشلر! بودوردن اعتباراً آناتولیده اسلام اردومزک
آرتق سقاریه - که بوندن صکره طوبی آکدرمشدر -
اوزرنده صاییدونه قارشی تامیله غلبه ایتدیگی اکلایمشدر.
(آلفیشلر) بنده کز همان اون سنه دنبری کوچوک قطعه
قوماندانلغدن بالنسبه بویوک قطعه قوماندانلیله محاربه یه
اشترک ایتش بر شخص صفیلر کک صمیمیت و قطعیتله
سویلیورم. و محاربه ده دیردم که: برالهی یاردم واردر.
ایمانی اولان ضابطان شوقنا عتده بولوردی که بزم صفلرک
آراسنده مطلقاً ملکر چارپیشور. و سزه بونی قناعتله،
بتون ایمانله سویلیورم. و بوسوزی محاربه میداننده
دفعانله آرقداشلر سویلیدم. آرقداشلر!
بن حرب عمومیده ضابطانک فداکارانی کوردم. و فقط
بوراده کی فداکاراق بسبتون الهی ایدی. آرقداشلر!
آکلایشیلور که: اگر بز ملتزمی ملی دعوا ایچون تنور
ایدرسه که ملت سبب حربی بیایرسه مطلقاً اعظمی قوت
عزم و متانت کسب ایده جکدر. ملتزمک کوسترمش
اولدینی بو خارقهرلی عین زمانده کندینک ملی دعواسی
ایچون حرب ایتدی حقه حطمین ایدلیکنه عطف
ایدیورم. شونی ده بوسیلله ایلر عرض ایتک ایسترم که:
حرب صفلرنده بالخاصه خواجه افندیلرک چوق ارشاد
خدمتلیرینه انتظار ایدیلور. عسکری دائما ارشاد ایتک لازم کیلور
عسکر دائما کندی دینی، ناموسی ایچون محاربه ایتدیگی اقناع
واعلان ایتک ایسترم که: دها برچوق خارقهرلر کوسترسینلر.
وهی افندی (قونیه) - مع التأسف برچوق طابورلرده
طابور امامی یوقدر.

یوسف عزت پاشا (بولی) - بزده تأثر اکرزه اشترک ایدرز.
حقیقتاً یوقدر. طیبی درکه، عسکرک دائمی صورتنده
ارشاد ایدلمسی حقه کی مروضاتم یالکز خواجه افندیله
خطاباً دیکدر. مملکتک منور قسمنک دخی صفلر آراسنه

کیرمسی و صفلر آراسنده عسکری ارشاداتی لازمه.
یعنی بومشله چوق مهمدر. بالخاصه بونک لزومی حس
ایتدیکم ایچون بو خصوص حقه حضور عالیکزه اصرار
ایدرک عرض ایدیورم. نهایت آرقداشلر! بنده کز
دمین عرض ایتش اولدیغم وجهله آیک آلتیسنده
دشمنک رجعت اماره لری کوروندی. آیک اون اوچنجی
کونی ده بنده کز بر تعرض اجرا ایتشدم. و تعرضی تعقیماً
دشمنک صول جناحزدن، یعنی حیانه دن کک و بزی
آنقره دن طرفدایتمک ایچون یاتش اولدینی مقابل تعرضدن
تامیله صرف نظر ایدرک ایکی سسواری آلاینک کیری به
چکیلدیگی کورولدی. بناء علیه آیک اونخی کوندن
اعتباراً صول جناحز و مرکز یقین اولان قطعاًمز؛
دشمن قضیقندن هیچ برشی کورمه مش بالعکس اردومز،
دشمن اردولری اوزرینه شدتلی بر تعرضه کچمشدر.
دشمن کندی مانته قارشی عمومی رجعتی کیزله مک اوزره
یامش اولدینی پلانلر؛ عسکر مرکز شجیعانه و جسورانه
اولان مدافعه سی و مقابل تعرضلریله قیرلیدی. اون اوچندن
اعتباراً اوچته ده ده رجعت باشلادی؛ و ۱۴ ده عمومی
رجعت ایلر نتیجه لندی. دشمنک رجعتی، آرقداشلر!
بر صفت عسکر به ایلر عرض ایدرم که: اراده سیله یامش اولدینی
بر رجعت دکلدر. آنجق محاربه ده صار صلیمش، ازیلمش،
وقوه مغنویه سی قیرلمش، ارتق تکمیل امیدینی، موازنه سی
غائب ایتش بر اردونک علی العجله بر رجعت حالی ایدی.
بنده کز ۱۴ آقشامنده سقاریه کنارینه عسکرله واردیغم
زمان دشمن تامیله سقاریه کز غریبه چکیلمشدی. سقاریه
غریبندکی مشهوداتمز، دشمنک نیت و مقصدی اوله
سقاریه غریبنده و دها کز یلرنده مدافعه ایتک حینی بزه
قطعاً ویرمیوردی. سقاریه غریبنده طوبیله بیلدیگی
عسکری غایت تلاشی بر حلاله ایدی. بناء علیه بردن
بره فراره قرار ویرمش واردمزک تماشاندن اجتناب
ایتش بر حلاله ایدی. دشمنک حال فرارنده
دمین ده عرض ایتدیکم کی اردومز جداً تالینجه
امثالمر بر خارقه کوسترمشدر. آرقداشلر! بزبوسفری
نه صورتله تأمین ایتدک؟ اردومزک بوظرفی ایجه تحلیل

ایتمک لازم کلیر . اول امرده سقاریه جبهه سنده اوردو من
جداً تاریخده امده لسز فوق العاده بر فداکارلی کو ستر مشدر .
بعض برلرده اولمشدر که : عسکرلر من استحکام قازمغه
وقت بولامامشدر . اوله آچیقده اوله رق دشمنک
طوپچی آتشی آلتنده ، پیاده آتشی آلتنده قهرمانانه
نفسی محافظه ایش و دشمنی سس و نکولرله دفع و طرد
ایتمشدر . آرقداشلر ! سزی تأمین ایدیورم که : بودغه
اردو من حرب عمومیه اک منظم بر قطه نک کو ستر مش
اولدینی متانتدن دها زیاده خارقلر کو ستر مشدر . بو محاربه
اثناسنده سواریلر منکده پک مهم منفعلری کورلمشدر .
بوراده سواریمزک یارارلغنی قینایدکن دمیکنی معروضاتمه
پیاده منکده فوق العاده غیرت و ثباتی عرض ایتمک
ایستیورم . پیاده منک غیرت و ثباتی یانی باسندن طوپچی منک
پیاده آرقداشنه اعظمی کو ستر دیکی معاونتی برلسان
ستایشله یاد ایتمک مجبورم . قهرمان طیاره جیلیمز دشمنک
تپه سنده اک بیوک قهرمانقله طیران ایدرک دشمنلر منک
حرکاتی کشف ایتمش و عدداً غایت آزا اولدقلری حالده
بره و قوماندایه هیئتده وقت و زماننده معلومات ویرمشلردر .
بناءً علیه طیاره جیلر مندن شهید دوشمنلرک خاطر
متداریمک محافظه ایدلمی و موجود اولانلره شکران
لازم کله چکی قاعتندهیم .

طـور اـق بـک (ارضروم) — شهدانک روحنه
الفتاحه . . . (شهدانک روحنه فاتحه لر اتخاف اولندی)
یوسف عزت پاشا (دوامله) — آرقداشلر ! بنده کرک قند
عتم بودر که : دشمن اروسکی تکمیل املیه ، پلانیه صارصیلش
مغلوب ایدلمشدر . قارشیمزده رجعت حالنده دکل بر فرار
حالده بردشمن وارددر . بو غلبه یالکیز یونانلیلره قارش
بر غلبه دکلدر . یونانی علیهمزه تشویق ایدن متفقلرینه
قارشیده قازانیلمش بر غلبه در . بو خصوصده جناب حقه
حمد و ثنا ایتملی یز . سس و نکومزله ، طوپمزله ، تفنگمزله
دشمنه و دشمنلر منزه غلبه ایتدیکمزی بیوک بر تفاخرله
یاد ایتمکدن یاده ذاتاً استحصال ایدیه چک اولان غلبه منک
اللهمک عنایتله ، عون حقله تأمین ایدلیدکنی سوبلیم .
بودعوا او قدر مقدس درکده و اوقر . شر و عدرکه صوکنه

قدر بونی دوام ایتدیره چکیز . انشاء الله قزانه جغز یالکیز
آرقداشلر ! دمین پیاده و صنوف سائر عسکر منک متانتدن
بحث ایدرکن ارنوش اولدیم یانی باشنده کی ایکی
شیدن ده کمال شکرانه بحث ایتمک ایسترم . بریسی
بالخاصه کرتی خدمتیدر بونی کمال صمیمیتیه عرض ایدیورم که
مدافعه ملیه و کائنات اردو کیریسنده یا میش اولدینی غیرت
و فعالیت ملتک شکرانه لایقدر . آرقداشلر بلکه بز
قوماندانه رابر آج قالدق ، فقط عسکر من و قطعه ضابطان
بر کون یله آج قالمشدر . عسکر من بر کون بیله جبهه خانه سز
قالمشدر . بو جدا شایان حیرت بر فعالیتدر . بر قاچ
فرقه واردی که اونلر محاربه دن صوکره کافی درجه ده
اکمال افرادی ایله مجهز اولدقلری حالده در عقب ایکنجی
محاربه ایچون بزه یتمشدر . بناءً علیه بونی جبهه ضابطی
صفیله کمال شکرانه حضور عالیکزه عرض ایدیورم .
بناءً علیه بو ظفری تأمین ایدن شیلردن بریسی ده مدافعه
ملیه نک کیری خدمتیدر و آندن صکره طبعیدر که تاریخده
امثالسز اوله رق ملت منک کو ستر مش اولدینی عزیم
و متانت فداکارلی و بو غیرتدر که بو ظفری قازانمشدر .
ملت بودعوانک کندی دعواسی اولدینی و بو ایشک
کندی ایشی اولدینی ادراک ایتدیکندن تکمیل وارلغنی
اردوسنه صرف ایش و بوسایه ده ظفری الده ایتمشدر .
صوک سوزم بو اوله جق : بز غلبه ایتدک ، اردو من غلبه
ایتمشدر . فقط آرقداشلر ظفرک ابتداء سنده بز ، ظفر
نهایتک هنوز مبدأ نده یز . نهایته وارمق ایچون بر چوق
مشکلات اقتحام ایده چکیز . بلکه ینه بحرانی و نازک
دورلر من اولاجقدردر . بناءً علیه غلبه ایتدک دیه دامارلر کیزی
کوشه ملک ، مساعیمیزی کوشه ملک قطعاً دوفری دکلدر .
بو ظفری تأمین ایچون بز چالشدی ایشک اصل ظفردن
صوکره بلکه دیکمزی شیلر ایچون اون مثلی فداکارلی ایتمک
و مجاهده منک دوامنی بر آییچون دکل بر سنه ، ایکی سنه ایچون
کوزا و کینه کتیردک تا ظفر نهایتیه قدر ، دشمنی تمامیه اناطولیدن
وترا کیسان دفع ایدنجهیه قدر دوام ایده چکنی نظر دقته
آلهرق سعیمزی مزاید بر صورتده نشر و تعمیم ایتمک لازمدر .
بو مقصد مقدس اوغرنده ترک حیات ایدن شهدا منک ،

محترم شهدا منزه بزم ترك ايتديكى بيمهه ، اختيارلر ،
قادينلر ، قيزلر واردر . بونلر بزم اولادلر بزم ، همشيره لر من
وبزم بابالرمزدر . بونلر ده كذالك سينه شفقتمزده
يسنه مك وهيج بروقت اولنره محروميت آجيسى طانديرمه مق
لازم اولديغى بونك ده ازدونك عزم وجلادتي ادامه
ايتك نقطه نظرندن الزم اولديغى اصرار ايدهر ك عرض
ايديورم . آرقداشلر ! صوك سوزم بو اوله جقدر .
اردو ملت ك كنديسنه ومحترم مجلسنك كنديسنه توديع
ايتمش اولديغى وظيفه نك قدسيه تي تماميله ادراك ايتمش وبوكا
تكميل وارلغى حصر ايتشدر . بر حس فدا كارى ايله
وظيفه سنى ياقمدهدر . وياپه جقدر . بو عظيم مسئله ده
ظفر نهايى ائله ايدنجيه قدر دوام ايجون لازم
اولان شى بوفدا كارلقله برابر وحسدندر .
رضا نوربك (سينوب) — كال غيرتله صوكنه قدر
متحدآ كيده جكز . .

يوسف عزت پاشا (دواميه) — آرقداشلر !
برآزده حرب ميدانلرنده كى احوال دن بحث ايتمك الزم .
قارشومزده بولان دشمن هيچ بر وقته مدنى بردشمن
دكلدى . دشمن كبره بيلديكى كويلرى تماميله ياقشدر .
راست كلدېكى قادينلر منزه عرضنه تجاوزه ايتشدر . (الله
قهر ايتسون سسلرى) دنيا ده اك باربار وحشى تلقى
ايتديككز وحشيرك بيله ياقمادىغى شاعترلى ياقمشدر .
اوتدن برى مدنيتى اعلان ايدن اوووپا بويله بردشمنى
سربست براقدىغى ايجون حيا ايتليدر . بوكا مقابله بزم
صفلر بزمه اير دوشن يونان عسكرلر بزمه ايرى باقلمشدر .
صوسنر واكمكسز اوله رق اسير دوشمش اولانلره
ياردم ايتك اسلاميتك وتوركلكك شان عاليه
اقتضاسندن اولديغندن كنديلر بزمه اكك و صو ويلمش
وصميميله قبول ايدلمشدر . آندن صوكره دشمن چكيليركن
نه قدر اركك وارسه كاملا كيرى به نقل ايتشدر .
بنا عليه دشمنك بو ياپديغى خيالى تشيت ايتك ونسل
آنى ابدى بر وسيله انتقام اوله رق نقل ايتك لازمدر .
بوندن صوكره مساعده عاليكزله برايكى سوز ده عرض

ايدجكم : قوت ومكينتي محافظه ايجون ملتك عزم
وفدا كارلغنده دوام ايتسى لازم كلكله برابر اردوده كى
ضابطان و افرادله كريلرده بولان عاليه لربك اتفاق
واعاشه سنك ده فوق العاده حار اهميت اولديغى ضابطو عسكر
آرقداشلرله كوروشديكم زمانكى قناعتله عرض ايديورم .
شبهه سركه : ملت مز كنديسندن بلكه ديكمز بوفدا كارلغى ده ياپه جقدر
آندن صوكره ياييله جق شى افنديلر ! اك اوفاق براختلافك
بيله اوكنه كچمك وتامما مملكتنده وحدتى تايمين ايتكدر .
بو شرط اعظمدر . شونى ده عرض ايدجكم كه : آرقداشلر !
جناب حقه شكر ايدلم ، بظرفى ائله ايتك ديه مغرور
اولمايالم ، بوتون وارلغى بزم ، بوتون قدرتمزى بودعوايه
حصر ايدلم . آغير باشلى بر ملت اوله رق بوليتلم وهيج
بروقت سعيمزى كوشه تيملم . كر بويله ياپارسق دعوانك
صوكنه قدر مظفرانه اوله رق كيده جكمزه جناب حقت
عنايتيله امينز . (آلقيشلر)

رئيس — افندم : يارين ساعت بر يحمده اجتماع ايتك
اوزره جلسه يى تمطيل ايديورم .

دوقور عدنان بك (استانبول) — رئيس بك راپور
وار اونى اوقويه جقم .

رئيس — بك اعلا افندم : جلسه يى بكيدين آجيورم .
تور كيا بويوك ملت مجلسى رئيس نايسى عدنان بك افدى به
۱ — سيوري بشارده اغنام ايدبان مالز مه دن باشقه

بر جوق دشمن قوماندانلرى و ضابطلر برك ده اشيا سى
اله كچمش وبو ميانده دشمن اردوسى باش قوماندانى
پاپولاسك بش عدد نشانى بولمشدر . مذكور نشانلر
خاطره ظفر اولق اوزره اوراده كى قوماندانلر طرفندن
اردويه تقديم ايدلمشدر .

۲ — دشمن يان وكريلندن تعقيات وتعقيات
دوام ايديور . بكيدين بر قاچ نقله قوله تعرض ايديلهرك
بو قوللر قسماً اغنام وقسماً تحريب اولمشدر .

۳ — دشمن خط رجعتى قطع ايدرك ۱۴ ايلوله
سيوري بشارده باصقين يابان قطعه من قوماندانك ويرديكى
راپورلردن بريسنك صورتى عينا بروجه آتيدر :

وهر احتياجلرى تأمين ايديلهرك يرلرنده براقلمشدر .
توركيا بويوك ملت مجلسى رئيسى
باش قوماندان
مصطفى كال

سيوربحصارده يونان خسته خانه سنده اوتوز قدر
يونان مجروحلرى زيارتله خاطرلرىنى صوردم . او اتاده
دشمن تعرضه باشلامقلا يونان طبييلرى اسير ايدلمش
اولدينندن مجروحين يرلیدن ايكي مسلمان طبييه تسليماً

